



Bangunan lama kosong sekitar Kuala Lumpur boleh ditukar kepada perumahan di dalam bandar.

# Penguatkuasaan bersepadu bersihkan ‘lorong hanyir’ di KL

**Kuala Lumpur:** Dewan Bandaraya Kuala Lumpur (DBKL) sedang melaksanakan pelbagai kaedah bagi membersihkan jalan dan ‘lorong belakang’ di ibu kota yang dikatakan terkenal dengan aktiviti pelacuran. Antara usaha pembersihan diatur, termasuk pengindahan fizikal menerusi pembukaan kafe, kedai

makanan dan galeri oleh anak muda.

Datuk Bandar Kuala Lumpur, Datuk Seri Dr Maimunah Mohd Sharif, berkata pihaknya sedang menjalankan pembersihan dan pengindahan lorong belakang serta akan menggantikannya dengan penggiat kafe atau kedai makan anak muda atau galeri.



Penguat kuasa DBKL menjalankan operasi membanteras kegiatan maksiat di sekitar ibu kota.



“Kita beri insentif, ingin jadikan kawasan ini seperti ‘side walk cafe’ di Paris dengan menukarnya kepada aktiviti lain, mungkin kita letakkan mural.

“Apabila kawasan ini terang dan bersih, saya harap aktiviti pelacuran tiada lagi ataupun dapat dikurangkan,” katanya melalui program Podcast BH, Borak Hari Ini: *Kuala Lumpur di Tangan Maimunah*. Podcast itu mula disiarkan semalam.

Pada masa sama, Maimunah berkata, pihaknya juga akan mengusahakan supaya aspek penguatkuasaan ditingkatkan secara bersepadu bersama Polis Diraja Malaysia (PDRM) dan Jabatan Imigresen terhadap rumah pelacuran di ibu negara.

Ini kerana punca kuasa DBKL hanya membabitkan premis dan lesen operasi, sebaliknya jika berkaitan aspek lain seperti pekerja asing dan jenayah, ia di bawah bidang kuasa PDRM dan Imigresen.

“Masa berjumpa Ketua Polis Daerah Dang Wangi baharu (Asisten Komisioner Sulizmie Affendy Sulaiman) saya cadang mari kita lakukan operasi secara bersepadu.

“Ia memang sudah ada, tetapi

hendak kerapkan lagi sebab (DBKL) nak tangkap tak boleh, kalau buat bersepadu dan berte-rusan mungkin (pelacuran) boleh dikurangkan walaupun susah dihapuskan,” katanya.

Sebelum ini, polis mengenal pasti empat lokasi sarang pelacuran di sekitar ibu kota iaitu Jalan Petaling, Jalan Gelang dan Jalan Pudu.

Julai lalu, Perdana Menteri, Datuk Seri Anwar Ibrahim dilaporkan tidak menolak kemungkinan wujud elemen sogokan sehingga menyebabkan pusat pelacuran di ibu kota sukar dihapuskan.

Perdana Menteri bagaimana-pun berkata, kerajaan pimpinannya sudah mengambil tindakan agak keras sejak tahun lalu bagi menangani isu terbabit.

Menyentuh aspek pelan-congan, Maimunah berkata, beliau mahu tarikan di ibu kota berteraskan pendekatan sihat dan bersih termasuk kewujudan rumah urut atau spa beroperasi secara sah tanpa elemen negatif.

“Kita mahu rumah urut yang ‘bersih’ dan teratur, itu tarikan pelancongan tetapi mesti ber-jalan dalam landasan perunda-ngan,” katanya.